

دائرة مخصوصه

در سعادتده باب عالی جوار ارنده

محل اداره :

مشرط القلم

اخطار :

مسلكمزه موافق آثار جديده مع المنوئيه قبول اولنور

درج ابدلته بن آثار اعاده اولنور

دينه، فلسفه، علوم، حقوق، ادبيات، سياستنامه و باطلاح كرك سياسى و كرك اجتماعى و مدنى احوال و مشوره اسلاميه و به بحث ايد و هفته ده بر نشر از انور.

آبونه بدلى

سنه لکى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى
۲۰ غروش فضله آلنير

در دنجى جلد

۲۷ جمادى الاخر ۳۲۸ پنجشنبه ۲۴ حزينان ۳۲۶

عدد : ۹۶

تقابل ایده‌جک بر مرتبه رفیع‌ده‌در . بودوات عالیہ تشویق ایدیلہ‌جک اولور ایسه وطنارینه، وطنداشلیرینه بویولده خدمتی کندیلری ایچون هر حالده مدار مفخرت عد ایدرلر .

خلیل ادیب



شهر رجبك ايلك جمعه كيجه‌سی

عالم اسلامیت رجب شریف آینك ايلك جمعه كيجه‌سی ادراك ایدنجه حسیات تعظیمیه‌سی صور مختلفه‌ده شریض و اظهاره شتابان اولور . چونكه بوشب معالده والد جلیل جناب محمدی حضرت (عبدالله) ايله والدۀ جمیلہ حضرت احمدی جناب (آمنه) نك زفافاری واقع اولوب نطفۀ زکیۀ سیدالکونین او پاکیزۀ عصمتہ انتقال ایلدیکندن (ایله رغائب) تسمیه اولنشد .

حضرت (عبدالله) یکریمی بش یاشنه واصل اولدینی زمان کوزلاکنه هرکس حیران اولوردی . طبعاً پک زیاده تناسب اندامه مالک اولان حضرت (عبدالله) ناصیه اقبالنده لمعان ایدن نور جلیل محمدی کندیسنه برقات دها رونق بخش ایدیوردی .

حضرت (عبداللهی) پدری (عبدالمطلب) دیگر اولادندن چوق سوره، آنک امر تربیه‌سنة برقات دها اعتنا ایدردی . حضرت (عبدالله) کوزلاک ومحاسن اخلاق اعتباریله محبوب القلوب ایدی . او زمان مکۀ نك اک حسنا ، مستثنا قیزلری جناب (عبداللهه) تعشق ایتشدی . زوجه‌ک شرفه‌مظهر اولق ایچون جان آتارلردی . فقط صیانت حضرت حق ايله جناب (عبدالله) آنردن کمال‌درجه‌ده اجتناب اوزره بولنوردی . ایش اویله بر حاله کلدی که حضرت عبدالله قزلرک کندیسنه قارشو اظهارندن کیرو طورمدقلری رغبانندن بیزار اولمغه باشلادی .

جناب (عبدالمطلب) اقرباوتعلقانی مشورت ایچون دعوت ایدوب : «اوغم (عبدالله) کاله کلدی، اطرافدن طالب وراغبیلر چوغالندی، قریشیلر ایچنده اکا مناسب برقر بولوب آلام» بیورنجه بالاتفاق مدینه حاکمی وهب بن عبد منافک قزی (آمنه) پک مناسبدر ، زیرا حسن جمال وسیر کالده آنک بر معادلی یوقدر، جوانی ویردیلر . بوایشی بالمناصبه وهبه بیلدیردیلر . ذاتاً وهب جناب (عبدالله) ایچون بوکیفتی اولدن تصمیم ایتش اولدینندن اریکه نشین نهانخانه عصمت اولان کریمۀ پاکیزه‌سی حضرت (عبداللهه) زوجه‌ک شرفه‌مظهر اولمش باینده مع الشکران آرزوسنی اظهار ایلدی . چونکه وهبک کوکلی نور جمال عبدالله ايله اولدن منور اولمش ایدی .

حضرت (عبدالمطلب) ايله وهب بر آرمیه کلدیلر، مسئله‌ی قرارلشدیردیلر .

شهر رجبك ايلك پنجشنبه کونی ایدی حضرت (عبدالمطلب) غایت مکلف بر ضیافت ترتیب واحضار ايله اشراف مکینی دعوت بیوردی . اوکون صورت مدبده‌ده جمعیت نکاح وجوده کلدی ،

ایله آذان خلقی قورد قوش ماصالریله طولدورمغه، افکار ناسی تبلیکۀ سائق ومشوق اباطیل وترهات ايله تسمیمه چالیشسانلره وبوی سود مساعی فی فضیلت صایانلره آرتق حکمت اسلامیہ وحقیقت انسانیه نه‌دیمک اولدیغنی بیلدیرمه‌لی یز .

بوسایه‌ده یولارینی شاشیران ، عطالت وسفاهتله عزیز و قیمتدار حیاتلرینی هدر ایدن اویوز بیکلرجه ، اومیلیونلرجه بی چارکانی سبیل صواب وسداده سوق وارشاد ممکن ارله بیایر . دین جلیل ومبینزه عائد حدود اطلاع ومعلوماتلری حالنده برنبذه بحث ایتدیکم کنج آلماندن فضله اولمیان او قومش یازمش کنجلمزده فضائل اسلامیہ وحقایق دینیہ وانسانیه نه‌دیمک اولدیغنی آنجق بوسایه‌ده آکلامش اولورز . مشروطیت مبعجلمزک شانی اعلایه اک برنجی واسطه ارباب اقلام وحیتک بویولده ابراز ایده‌جکلری خدمتلردر . هیچ شبهه ایدیله‌مزرکه ، بوزمینده صحائف بیانه جریان ایده‌جک مداد علما ، دماء شهدادن دها معزز ، دها مبارک ، دها مقدسدر .

سیاح فاضل وشهریز عبدالرشید ابراهیم افندی حضرتلرینک ید حاستده بولندیردقلری لواء حیت آلتنده نه‌زمان یوزلرجه فاضلاک طوپلاندقلری ، مشارالیه پیرو اولدقلری کوریلورسه استقباله عائد امیدلر اونسبتده قوت بولور . شوکت اسلامیہ‌نک بقا واعتلاسنندن اونسبتده امین بولنورز . مسلمانم دین هر فردہ ، بالخاصه اوزمره ناجیه ایچنسدۀ ماضیمزی ، حالمزی حقیله آکلایان هر صاحب حیتہ کوره بوبر فریضه‌در . بزلی ذلت ومسکنتدن تخلیص ايله دنیوی ، اخروی، هر درلو آمال واقباله ایردیره‌جک‌ده ایشته بومجاهدۀ دینیہ‌در . (صراط مستقیم) صحائف نفیس مقالهلر ، نافع اثرلرله تزین ایدن ادیب کزیده بیان محمد عاکف بکک بوهفته‌کی نسخه‌ده مندرج (حسبحال) ندمکی استرحامه عاجزانه بوراقم الحروف‌ده اشتراک ایلر . اوت ، استاد خطیر وحیت شعارمن خالص افندی حضرتلری بوسنه رمضان شریفنده جامعلرده اجرای وعظ ونصیحت ایده‌جک ذواتک امر انتخابنده مشکلمسند بولنمالیدرلر پک چوقلمزدن پک چوق زیاده ذات فاضلانلرنجه مسامدرکه ، واعظ افندیلرک ایفا ایلایه‌جکلری وظیفه ، مطبوعاتک عالم اسلامیت وانسانیتہ ایده‌بیله‌جکی خدمتدن دها نازک ، دها مهم ویوز درجه دها نافعدر .

تصور بیورلنون : اومبارک کونلرده محترم وذی وقار برواعظ فاضلاک بالای کرسیدن وقوعبوله‌جق تلقینات ووصایای دیندارانه‌سی ، کال انقیاد ايله زانو بزمن خضوع اولان صائمینک صاف ونزیه قلبلرنده نه‌عالی حسلر ، نه‌بیوک شوقلر ، امللر تولید ایلر .

«استانبولمزدۀ بیوک کوچک بوقدر جوامع شریفه وار . بونلرک هپسنه دفعۀ اوصاف لایقه ومطلوبه‌ی حائز واعظ بولمق نصل قابل اولور؛ قانون تکاملیه، تدریجه تابعدر . سایۀ فیض مشروطیتده بویوک نقصان ، تدریجاً جبر وتلافی اولنور» کبی بر مطالعه وارد اولسه بیله جدی برهمت اومطامه‌نی‌ده حکمسنز براقیر . المة‌الله ملتک کندیلرندن بحق استفاده ایده‌بیله‌جکلری اصحاب کمال ، بوکونده اواحتیاجزه

برقه ايله اورتولش درونك خاليل و صرمه لي پوشيده لر و آيزه لر و كوش شمعدا نلرله يك نظر ربا بر صورتده تزئين اولمش اولديغي كورمشم .

مشار اليهمانك قبر منورلرني زيارته شتابان اولانلرده نشئه معنويه ايله حال وجد واستغراق ظهور ايدر ، نيجه عاشقور بوراده سرمست و حيران اولورلر .

زفاف مبارك شرف واقع اولديني سراي معلا مكه مكرمده زيارتكاه انامدر .

نتيجه :

علو قدر نبوي به حيران اولانلر نزدنده بوكيجه نك قيمتي يك بيوكدر . اوشب معلاده برچوق احوال عجيبه واسرار غريبه ظهور ايتمشدر .

تا حضرت آدمدن مسلسلا انتقال ايده كن نور جليل محمدي حضرت عبداللهدن حضرت آمنهيه انتقال ايلدي كه بالاخره صاحب حقيقي اولان فخر عالم صلى الله عليه وسلم افندمر حضرتلرنده قرار قيلمشدر .

مولدي سايمان چلي حضرتلرينك منقبتنامه ولادت نبويهده اشبو رسم ايله مسلسل متصل تا اولنجه مصطفىايه منتقل كلدي چون اول رحمة للعالمين واردني نور آنده قرار ايتندي همين بيورملري ايشته بو حقيقي تبيندن عبارتدر .

حضرت حيدر كزار كرم الله وجهه و رضی الله عنه افندمر ايله سهل ابن عبدالله رضی الله عنه حضرتلري بوايل مقدسك شرافت و علو قدری حقنده احاديث شريفه روايت و نقل ايلمشلردر .

حضرت عبدالقادر ك عمدة الصالحين نام اثر لطيفنده وسائر آثار جليله اسلاميهده بوكيجه نك فضائلي حقنده يك جوق حقايق سرد و اتیان اولمشدر .

جمله منرك فيوضات جليله احمديه مظهر و مادی معنوي هر درلو سعاده نائيلته مسرور بيورلمسني حضرت واهب الآمالدن تمفي ايله قارئین كرامه خطاباً :

يا ايها المشتاقون نور جماله صلوا عليه وسلموا تسليما
ديهر ك مقاله مه نهايت ويريرم .

حسين وصاف

خليل خالد بك ومسلك تحريري

كبريج دارالفنوني معلملرندن فاضل محترم خليل خالد بك افندي طرفندن مسلمانلر ك ايكاظ و انتباهنه دائر كرك جريده مزه درج اولونان مقالات و كرك (هلال و صايب منازعه سي) نامنده كي اثرلرينك احتوا ايتديكي مطالعات ، بين الاسلام بيوك بر تيقظ و استفاده يي موجب اولديغندن واوروپا مملكتلرنده بولونديني حاليده ديني ، مليتي حقنده بودرجلرده

بموجب عادت قریش عقد متيمن اجرا اولندي ، هر كس ضيافتدن حصه دار اولدي . يديلر ايچديلر ، اعلان سرور و شادمانی ايتديلر . اقشامي جمعه كيجه سي جناب (عبدالله) ايله حضرت (آمنه) رضی الله عنهما افنديلر منرك زفافي شرف وقوع بولدي .

ايشته بوشب مسعودده سبب ايجاد دنيا و ما فيها رسول اعظم صلى الله عليه وسلم افندمر حضرتلرينك ماده مطهره جسم احمديلري جناب عبداللهدن حضرت (آمنه) يه انتقال ايلدي . آنك ايچون بوشب فخر اليايلى ليله پاك رغائبدر
بوشب تقديسه سايمان برشب عالي مراتبدر

وجودی اقدس نبوت پناهيسنك هر ذره جايلاه سنده نيجه بيك شمس عوالم افروز هدايت منديج اولان نور الهدي عليه اكمل التحايا افندمر حضرتلرينك بومقدس كيجه يه فيض آور تجلي اولان رغيه متيمنه حضرت رسالت پناهيلري امت ناجيه اسلاميه ايچون اويله بر بشارت عظمای سعادتدر كه آنك هلال آسا افق شرافت امكانده ايلك تابش مقدسي عكس انداز اولور اولماز ، بتون عوالم جلائل تجليات سبحانيه يه مستغرق اولدي .

اي ليله رغائب اي زبده مواهب
تعظيمك اولدي واجب اي نور عالم آرا
اي ليل بي معادل اي مهر غن آفل
اولدك زمينه نازل اي محض فيض مولي

اي ليله معالي اي مفخر اليايلى
اي نور لا يزالي محمود كن فكانسين
اي ليل پر معالي اي بدر خاك داني
اي فيض آسماني محسودانس و جانسين [۱]

مسطور صفيه اعتبار اولديني اوزره عبدالله ابن عباس رضی الله عنهما حضرتلرينك والد مكرم لردن نقلاً بيان بيورد قلرينه كوره :
نور جمال حضرت (عبدالله) تاثيريله اسير عشق اولان بي مخزوم و عبد شمس و عبد مناف قيزلردن ايكيوز قدری آمنه امينه نك او كنجنينه مراده و صلتني خبر آلد قلري كي محروميت واقعه لري يوزندن حصوله كن شدت تاثر و تأسف لري نتيجه سي اوله رق نار افتراق ايله يانمشلر ، هيچ برار ككه و ارمامشلر ، حياتلرينك صوكنه قدر او تاثرله دمكذار اولمشلردر .

هزار تشنه چو اسكندر ست در ظلمات
همين يكيست حضر بر كنار آب حيات

حضرت (عبدالله) رضی الله عنه الالهك قبر شريف لري مدينه منوره ده در . غایت محشم و مكلف بر تر به لطيفه سي واردر . سلاطين عظام عثمانيه حضراتي يك بيوك فدا كار قلرايتمشلر ، تر به نك تر يينه چالشمشلردر . حضرت (آمنه) رضی الله عنها نك قبر عالي لري ده مكه مكرمده (جنه المعلا) دينان قبرستانك اوست طرفنده و جناب (خديجه الكبرى) رضی الله عنها نك تر به شريفه لري قارشو سنده در . اوزري غایت ظريف

[۱] رجب وحي بكدر .